

tana hming chhiatna awlsam si a ni a. Mimal zalenna a khawih pawih fo bawh. Mobile SMS, phone call, computer leh internet hmanga midangte pawih khawihna a ni. Hemi hnuaiah hian kan fimkhurna tur te, chu –

- **Hacking:** Computer hmanga mi computer network chungva va luh leh data va ruk sak emaw, va tih chhiat sak emaw hi hacking tih a ni. Internet hmanga credit card ruk sakte leh computer hmanga Bank pawisa lak chhuah te pawh hi hacking tho a ni.
- **Cyber Stalking:** Internet emaw, email emaw, electronics inbiak-pawhna lam chi eng pawh hmanga midang tihbuai, tihthlabar leh vau hi a ni. Mi tu emaw a hnathawhna hmun pawh ni se a tithlabar zawnga phone leh thuziak hmanga vau te pawh a huam.
- **Scam:** Mi thenkhat chuan sumdawna kawngah leh thil dangah sum leh pai dawta tawktarhin thiam takin mite an bum a, a tak taka han

chhui chian chuan chhui zui tur pawh awm lo leh an nihna tak tak lo ni si lote an ni a, he inbumna avang hian sum leh pai leh in leh lote miin an lo chan phah hial tawh a ni.

Khing bakah khian IT Act leh IPC hmangin hrem theihna dan hrang hrang a awm a, kan hriat tur pawimawh thenkhatte chu – Mahni hming lova account siam/neih, mi saruak thlalak leh accident rapthlak tak tak tar chhuah, invauna thu thawn, dawt purpawleng hmanga thu theh darh. Hetih ruala kan hriat tur pawimawh chu The Protection of Children from Sexual Offences Act 2012, Section 23-na chuan Kum 18 la tling lo naupangte chu pawikhawihthu emaw, a tuartu zawk a ni emaw an nihna hailang thei tura social media leh chanchinbuah engti kawng zawng mahin tarlan a phal lo va, a khap tlat zawk a ni.

Social Media hian thil tha tam tak a rawn thlen rualin thil tha lo tam tak a thlen thei a ni tih hi kan hriat reng a pawimawh. Social Media kan hmang dawn a nih chuan eng nge ka sawi, eng vanga sawi tur nge ka nih, engtin nge ka sawi ang tihte hi mahni inzawt chungva tih a tha.

# Tleirawlte leh Social Media



**Population Education Cell**  
DIRECTORATE OF  
STATE COUNCIL OF EDUCATIONAL RESEARCH AND TRAINING  
School Education Department  
Government of Mizoram

## TLEIRAWLTE LEH SOCIAL MEDIA

Hmanlai chuan kan inkawm khawmna leh inbiakpawhna thin chu inlen pawh, in tlawh, hmaichhana ti ti leh sawi hote a ni thin. Tunlaiah pawh chutiang chu ni tho bawh mah se, khawvel hmasawnnain thil tam tak a keng tel a, chung zingah chuan hmaichhana inhmu kher lo pawhin inkawm honate kan nei thei ta a, chu chu Social Media hi a ni kan ti thei awm e.

### Social Media hi eng nge a nih?

Tunlai khawvelah chuan internet hmangin computer leh mobile phone te hi min thlungkhawmtu niin, heng hmanraw hmang hian kan inkawm a, thu te, thlalak te, video te kan inthawn kual zung zung mai a, hetiang mipui vantlang inbiakpawhna hi Social Media chu a ni. Computer/Smart phone/tablet, etc. leh internet hmanga hmaichhan ni lova ngaih dan leh chanchin inhriattirna leh inhrihtawwna a ni kan ti thei bawh awm e. Mizorama Social Media kan hman lar deuhte chu Facebook, WhatsApp, Twitter, Instagram, Youtube, etc. te a ni.

## Social Media tangkainate

Social Media hi kan nitin nun nen a i zawm tlat a, mi zawng zawng tan a pawimawhin kan tangkaipui em em bawh a ni. Amaherawhchu, a thatna leh that lohna te kan hriat tel ve a ngai a. Social Media thatna leh that lohna te tlem han tarlang ila –

### Social Media hman tangkainate:

- a) **Zirlaite tan:** Kan thil hriat duh te awlsam taka kan hriat zung zung theih nan. Kan hriat ngai lohte zir nan. Zirlai tuipui zawngte sawi ho nan.
- b) **Information atan:** Man tlawm zawka thil zawrh fak nan (advertisement) leh information pek nan, hna zawn nan, sorkar hmalakna inhrihhriat nan leh zirtirna pek nan. Committee koh nan. Khawvel lehlama mite nen min hnuk hnai a, min tibeng var bawh.
- c) **Inlaichinna siam that nan:** Kan hmuh mai theih loh chhungte leh thenrual tha te nen inlaichinna leh inbiakpawhna tha kan neih nan leh thin hlui leh thar chhar nan.

d) **Kan thil ngaihhlut min hmuhtir:** Infiamna lama kan mi ngaihsan zawngte leh kan game ngaiat zawngte kan thlir thei a, zai thiam lar leh kan mi ngaihsan zawngte thu leh hla te kan ngai thlain kan en theih pah thin.

e) **Nun a tihlim:** Social Media atang hian nun tihlim theitu tam tak kan tawng a, kan ngaihthlak ngai loh leh hmuh ngai lohte kan ngaihthlak leh hmuh chang te, kan biakpawh chak kan hmuh leh biak changte hian nun hlimna kan neih pah thin.

### Social Media hman sual theihna leh that lohate

Social Media hi hman tangkai theih a nih rualin dan bawhchhiat theihna leh lung in thlenga min hnuk lut theitu a nih avangin fimkhur a tul hle a ni. Information Technology hmangin hrem theih dan khirh tak kan nei tih hriat a tul. Hman sual theih a nihna te chu –

a) **Cybercrime:** Tunlai khawvela computer leh internet hman sual theihna lian ber chu cybercrime hi a ni. A tuartu